



咏绿梅

■全运科

仙人迤邐下瑶池，一夜身凝翡翠枝。
生与冰霜共肝胆，敢同风雪斗腰姿。
魂飞旷谷花开处，蝶舞漫山春到时。
寒彻空添玉香骨，轻敲几案费猜思。

贺新春

■魏厚笃

携梅辞胜岁，邀雪咏升平。
仓廩实而足，门庭喜且盈。
风和花语细，日暖鸟声清。
幸此安民世，长怀报国情。

瞻仰伟人视察黄河铜像

■王英勇

笑貌雄姿魂梦牵，秋风瑟瑟几留连。
双眸望处春潮动，驯驭山川弹指间。

咏桃花

■赵天才

春晖燃烈焰，嘉卉味浓醇。
笑靥凝朝露，红颜醉赏人。
风来香满袖，雨过色清新。
游客争夸艳，农家盼果珍。

咏南阳医圣祠雷锋爱心粥团队（通韵）

■姚河予

一
医圣祠旁善气扬，施粥十载历寒霜。
倾心共助南都美，一脉仁风润四方。

二

破晓辛劳护市容，热粥一碗慰尘踪。
无私大爱倾情献，堪比南阳月季红。

南阳医圣祠

■丁梦

一

医相入红尘，襟怀国与民。
温凉河畔月，涓水岸边春。
多少凌霄梦，分明傲雪人。
苍生感君意，天下尽知音。

二

汉家多史书，堂上话南都。
一部伤寒论，千秋稼穡图。
阴阳需辩证，草木盼扶苏。
乱世明君志，何须鼓与呼。

端午有感

■绳万骏

年年端午日，总忆少儿时。
新品雄黄酒，重温屈子诗。
乡村请社戏，邻里拜宗祠。
华夏文明古，炎黄一共之。

咏史

■王金龙

暮春三月服初成，欣见童冠各自鸣。
浮海于今谁与共，纵然子路已吞声。

壶口七吟之一

■魏厚宾

凿破鸿蒙骨未销，龙槽夜夜磨狂潮。
秦晋姻缘谁见证，黄河暮暮与朝朝。

南阳诗坛换届有感

■杨相林

栉风沐雨数年轮，宛筑骚坛三十春。
帜树初心勤逐梦，诗耕五届继传薪。
拿云时靠经纶手，捉月功归播火人。
喜看南都更气象，汉唐彻夜灿星辰。

满庭芳·辛丑重阳约赋

■项新桃

槛菊初盈，霜鸿未到，重阳乍变重阴。
满城疏雨，不必事登临。
惯见白河风物，纵来去、枉费搜吟。
知谁更，携壶曳杖，长啸洗山岑。
沉沉。灯火夜，摊书无趣，访戴无心。
正床前幼女，绕肘牵襟。
谈笑卅年经过，高堂在、休问泉林。
还须得，添茶课子，开卷认唐音。

初夏社旗闲步

■魏从敬

郊外气微凉，山峦雨后苍。
露滋桑叶绿，霞蔚麦梢黄。
垂柳传莺语，斜风送杏香。
东阡逢耜叟，促膝话年康。

减字木兰花·访友不遇

■王霞

南风轻软，溪上芦芽春色浅。
茅舍陶篱，疑是刘郎来较迟。
一枝堪折，人面桃花容易别。
何处琵琶，恍若年时到谢家。

行香子·九日走郊野

■李云增

雨霁郊原，蓬草初黄。望长空、鸿雁南翔。
寒烟拂鬓，金粟凝霜。正芦花白，荷花老，菊花香。
风轻云淡，人闲兴雅，话升平、岁物丰穰。
笙歌涓岸，孝暖高堂。更醉秋光，庆秋稔，举秋觞。

浣溪沙·雀之惑

■吴天恩

星汉横斜人正眠，五更麦雀叫连天。
唤农快起下东田。灵鸟频催人未动，华为早已语相联。
沃丰八点到村前。

注：沃丰指沃丰牌小麦收割机。

贺三弟与梦妹成婚三十周年

■李宝玉

乾赐鹣鹣鸟，乾坤并蒂莲。
珍珠三十载，毫耄共婵娟。

风入松·南阳文坛盛事

■文竹

卅年盆地起波澜，苑聚乡贤。楚风一脉师唐宋，共切磋、儒雅新篇。
豪放大江东去，婉词风骨凝笺。
芳姿飘逸自清妍。巾帼掌吟坛。同挥文墨尊先雅，抒胸怀、声震中原。
兴复龙岗文脉，谨承幽韵千年。

食笋感作

■张献锋

身处幽冥善隐踪，一朝得雨欲飞龙。
平生虽负凌云志，只是人间不肯容。

临江仙·秋日登山感怀

■全花莉

翠薇斜横山之侧，长风乱扫云痕。松林曲径掩黄昏。
玉泉鸣石涧，凉月照烟村。半生俯仰藏痴梦，光阴都付金樽。
欲抛俗事养灵根。山河滋秀气，风物慰羁魂。

赞诸葛孔明

■李青旺

南阳陇亩卧龙骄，三顾茅庐意气豪。
赤壁火烧千舸烬，祁山雪暗万旌摇。
难移素志酬先帝，不负丹心照碧霄。
我若早生千载上，欲邀诸葛论高招。

醉花阴·樱桃花开老庄镇

■张向英

一望晴空归雁阵。应是家山近。胜日探芳踪，向老庄来，处处游人问。
樱桃沟里花流韵。醉了心方寸。素蕊竞相开，万亩琼林，朵朵捎春信。

诗赞方城

■申理斌

方城文韵长，岁月刻荣光。柳巷仁贤隐，三河画意良。
临窗听鸟语，入野有花香。驿道烟尘熄，汉泉清水泱。
释之生硬项，弘法礼爷张。楚址烽台在，缙关菽麦黄。
丹江输京冀，高铁贯荆襄。楼阁儿孙住，锦衣翁媪裳。
繁英艳街市，绿树蔽村坊。霓闪广场闹，墨书华夏昌。

鹧鸪天·五一帝乡游

■张海清

月季飘香拂面轻，阖家悠步帝乡行。龙岗漫揽云霞色，仲景闲聆钟鼓声。
舒雅志，享安宁，独山白水毓花城。民风淳朴嘉朋聚，四圣流芳万古名。

水调歌头·夜得诗人赠橘

■郭玉景

乙巳冬夜，得诗人赠橘，夜间送来。感此情，促诗意，难隐恰恰，思李白汪伦，念杜甫《野人送朱樱》，忆东坡“不辞长作岭南人”之由，欣然命笔，以记之！

寒月挂疏影，清露古城东。诗人千里托寄，箱内映灯红。
未啖先闻香细，恍入江南烟雨，情愫满襟融。不羨荔枝好，偏爱橘瓢浓。
忆汪伦，吟子美，感坡翁。千年风雅，尽在遥赠笑谈中。
物小意长难尽，恰正冰心玉润，能抵岁华穷。惟与知音坐，可醉此宵风。

浪淘沙·卧龙岗

■张文松

复建慰先贤，世外桃源，绵延龙脉建茅轩。疏浚龙潭天水阔，三友观澜。
往事越千年，帝胄求贤，草庐一对定坤乾。栗里严陵皆仰望，龙舞飞天。

临江仙·春江枯柳

■侯英霞

灞岸谁同堕泪，章台只自销魂。东风二月恁殷勤。但看新草色，不见旧眉痕。
解缆还须系缆，垂纶更有经纶。几番风雨几回轮。慈心怜槁木，醒眼笑痴人。

游南阳汉画馆

■王黎静

南都胜境韵悠长，汉艺精奇四海强。地理人文凝妙幅，星天象物汇华章。
素图漫溢千层秀，石影频呈万古光。恍若敦煌探宝藏，亲临画馆意飞扬。

汉画

■吴菲

石雕留汉韵，刀刻见真情。车马驰千载，残图见古风。

南乡子·怀念邱德镜老师

■朱启亮

笑貌总清新。和蔼音容最可亲。扑面春风谁不醉，纷纷，难忘依然是德醇。
下笔若来神。花鸟虫鱼自乱真。桃李无言天下遍，扬芬，翰墨谁人不识君。

贺丁梦君诗词作品吟诵会

■刁峰林

一诗一阙一新文，妙若易安回俗尘。书画弦音歌舞伴，耕溪斋里梦成真。

忆江南·石佛寺

■丁新浩

承玉静，玉市起清光。古寺钟声融晓雾，一街灯火映琳琅。风里带馨香。

少林寺

■薛丽

嵩岳嵯峨藏古刹，禅林圣迹众人崇。晨钟唤醒尘间梦，暮鼓催开世外蒙。
武蕴风雷惊日月，经传智慧悟虚空。菩提心印千秋在，妙谛长留天地中。

题镇平北顶迎客松

■王荣勳

五朵岩开劲骨生，凌霜傲雪向天横。独撑翠盖山门守，远展虬枝众客迎。